

## PROCEDIMENTO DE ELECCIÓN DE REPRESENTANTES DE CURSO

(Aprobado en Xunta de Escola 21/09/2023)

O Regulamento de Réximen Interno da Escola Técnica Superior de Enxeñaría (aprobado polo Consello de Goberno o 25 de febreiro de 2021) no seu artigo 22.1 “Delegadas/os de curso” establece que *“As/Os alumnas/os de grao elixirán dous representantes (delegada/o e subdelegada/o de curso) por curso en cada unha das titulacións impartidas no Centro”*.

Por outra parte, o Estatuto do Estudantado da USC (aprobado polo Claustro Universitario o 28 de novembro de 2019), no seu artigo 28 “Das/os delegadas/os de aula ou grupo” establece que *“Os centros poderán prever a existencia de delegados de aula ou grupo. Estes serán elixidos polos seus compañeiros en votación e exercerán de voceiros das decisións maioritariamente adoptadas na súa aula ou grupo”*.

Co fin de seleccionar aos/ás representantes de curso para todos os títulos de Grao e Máster que se imparten na ETSE (1 delegada/o e 1 subdelegada/o) ao inicio de cada curso académico publicarase no taboleiro electrónico da USC a convocatoria de eleccións que se realizarán de acordo coas seguintes regras de desenvolvemento:

### **PRIMEIRA. Candidatos/as e electores/as.**

Os/as alumnos/as serán electores/as e poderán ser candidatos/as e no curso máximo no que están matriculados/as.

O censo de electores publicarase no campus virtual del título e abrirase un período para reclamacións ao mesmo.

### **SEGUNDA. Presentación de candidaturas.**

A presentación de candidaturas realizarase na secretaría da ETSE a través dun formulario que se fará chegar á convocatoria e que se enviará asinado a [etse.secredireccion@usc.es](mailto:etse.secredireccion@usc.es). Finalizado o prazo establecido emitiranse listaxes provisionais e definitivas dos candidatos que se publicarán no Taboleiro Electrónico da USC indicándose a data, hora e lugar no que se celebrarán as votacións nos casos que sexa necesario.

### **TERCEIRA. Supostos nos que non procederá realizar votación.**

Non procederá someter a votación a elección de representantes de curso cando:

- O número de candidatas/os sexa igual ao número de postos elixibles. Neste caso a asignación do posto de delegado/a e subdelegado/a farase por acordo entre eles/as e de non existir dito acordo asignarase por sorteo.
- O número de candidatas/os sexa inferior ao número de postos elixibles. Neste caso os postos vacantes asignaranse por sorteo. A asignación do posto de delegado/a e subdelegado/a farase por acordo entre eles/as e de non existir dito acordo por sorteo, debendo contar coa aceptación da persoa seleccionada.

#### **CUARTA. Procedemento de votación.**

Cada elector poderá votar como máximo a dous candidatos/as. A votación será presencial na data, hora e lugar indicado e garantirase que o voto sexa secreto.

O/A coordinador/a do título (ou persoa na que delegue) encargarse do proceso. Rexistrará aos/ás votantes e emitirá un acta co resultado da votación que trasladará á secretaría da ETSE. O/a candidato/a máis votado/a será o delegado/a e o segundo o subdelegado/a.

Os/as candidatos/as elixidos/as publicaranse no Taboleiro electrónico de la USC e na web do centro.